

第六一五册

理學彙編

學行典

孝弟部

篤行部

(卷)
三〇—三三

三三

古今圖書集成

中華書局影印



古今圖書集成

卷一百一十五

欽定古今圖書集成理學彙編學行典

第二百二十卷目錄

孝弟部名賢列傳四十二

明二十八

林守威

袁鈐

陳紀

楊琨

楊爾鼎

楊弘

鄒鵬

向明

王佐

方釗

吳文明

蔡鈞

黃家瑞

夏文忠

王希堯

何仰吾

吳煥

謝嶷

鄧紹禹

王宗義

陳纘宗

程鳳

劉宗錡

宜去有

駱未珍

向冠之

李發春

劉維祖

曹慶華

張鵬翼

吳鍾曜

趙恩綱

李芳

虞成之

藍純

顏忠

王化行

劉采

文煥然

子繪

張賢

周誥

馮天祐

張一奇

柳時逢

黃鼎

張楚

王家臣

楊鵬翼

李思

陳鑛

張森

鄧起宗

王泰

田璠

鄭揖

范養純

張友周

羅鵬雲

劉平生

徐時述

李顯卿

伍就湯

陳邦鈺

黃大年

會用中

黃潭

馮鎬

周淑

楊成章

熊魁

蕭華

陳爾鼎

楊弘

侯章華

余三

王嘉善

尚軾

田垣

劉祥

譚孝子

戴其仁

第其義 其禮

傅善燦

范養淳

王珩

龔大惠

鄒宗孟

廖說

廖仲儒

張顯相

陳宗纘

徐昌

徐桓五

郝世選

鄭如虔

柳應權

魯敦

陳濂

樊佩

胡湘

張守銘

陳蓋

高鈞

高鋈

詹懋舉

傅明賢

蔣應贊

吳宗伋

龍德昇

管朝用

李嘗芬

曾一貫

文一元

盧奇

申諫

劉應圻

黃簡

袁剛

歐陽璇

歐陽熹

馮應主

趙應奎

郭蕙

歐陽寧

梁繼祖

黃俊郁

鄧世詒

陳邦鏡

蔣郁芳

劉義

朱志相

唐相

韓宗道

馬三奇

郭正榮

曾魁士

楊通德

楊達

謝燈

張友全

陳滔

徐學孔

何張沛

劉禹昌

蔣可實

朱定炯

崔國楚

雷照

蕭庭滿

游龍飛

王應鼎

柳煥宇

宋國丞

張振卿

陳論

張皇生 龔之吉

劉斗 張世芳

劉繼榮 馬孟遠

羅應元 孫斯億

魏文昌 李廷華

萬龍躍 黃守德

楊祥 陳蔡生

李安仁 李有斐

學行典第二百二十卷

孝弟部名賢列傳四十二

明二十八

林守威

按荊州府志林守威早喪父繼母曹氏性嚴守威事唯謹曹卒棺在家鄰人火風甚急守威乃升屋呼天風返卒無恙時人驚為孝感

袁鈔

按荊州府志袁鈔年十七歲喪父大盜至謂諸弟曰汝輩第去吾長也父樞在安往手劍出迎盜怒刀傷其背且折二齒竟不為動從容謂盜曰諸君第取費則伏藏皆君有若驚先子靈吾且刎君輩亦無所得也為入方正有雅量平恕率物為里所稱

陳紀 楊琨 楊爾鼎 楊弘 鄒鵬

按荊州府志陳紀楊琨楊爾鼎楊弘鄒鵬割股廬墓篤於孝義俱旌表

向明

按荊州府志向明字伯暘致和之子由監生任山西

都事母病夙夜供侍寢食俱廢禱於天求以身代偶一人以九藥授之母病愈睦於兄弟大學士楊溥為撰孝友堂記

王佐

按荊州府志王佐字公弼伯玉曾孫第進士授行人晉戶部員外郎迎其母母曰吾老矣不能從子走四方也佐曰兒奈何以一官棄母遂乞終養

方釗

按荊州府志方釗家素貧父早卒母鄭氏撫育成立釗傭工學織以供母每日食果核輒袖歸無何母病噎臥牀三月釗焚香籲天願以身代遂割左股和藥以進母甘之病愈當事旌表

吳文明 蔡鈞 黃家瑞 夏文忠 王希堯

何仰吾 吳煥 謝疑

按荊州府志吳文明蔡鈞黃家瑞夏文忠王希堯何仰吾吳煥謝疑俱割股廬墓

鄧紹禹

按荊州府志鄧紹禹庠生早孤事祖母及母極孝祖母病嚮子以供湯藥里中贖而還之常割股以愈祖母及母之疾戊子冬遇盜於途盜曰此鄧孝子也跪拜而不敢驚

王宗義

按荊州府志王宗義自祖槐至宗義凡五世同居閭門計二百餘口長幼尊卑雍睦成行有司以聞旌表其門

陳繼宗

按荊州府志陳繼宗母亡手植墓樹結廬以居每雷

雨夜必持盞往塚旁伴母年六十二始舉於鄉

程鳳

按荊州府志程鳳為驛卒未嘗知書每聞人道孝順事輒淚下常割股愈母

劉宗錡 宜去有 駱永珍 向冠之 李發

春 劉維祖 曹慶華 張鵬翼 吳鍾曜

趙思綱 李芳

按荊州府志劉宗錡宜去有駱永珍向冠之李發春劉維祖曹慶華張鵬翼吳鍾曜趙思綱李芳俱割股廬墓篤於孝義旌表

虞成之

按荊州府志虞成之江陵人以歲貢甘貧不仕布袍蔬食顧獨竭力以養母母病割股命僮粥以飼病頓愈後又拾遺金於道待其人至悉還之

藍純

按荊州府志藍純江陵人應貢將赴南雍以父年老不敢遠行知府吳彥華聞之曰只此一念可當孝子矣及父卒廬於墓側

顏忠

按荊州府志顏忠江陵人節婦劉氏之子劉遭疾忠禱於北辰割左股和粥以進病愈劉卒年九十忠亦六十有五遼王大書節孝立石於門

王化行

按荊州府志王化行字以寧江陵人早孤年七八歲時見母手擗績無間晷輒泣不能已後由荆門訓導歷陞容縣令以母畏舟因請罷歸竭力養母母年九十有六化行亦年至八十

劉采

按荊州府志劉采侍母克孝母病思食山藥采之於崖澗遇虎采泣曰吾死何足惜憾吾母危疾無救耳虎遂前去采獲山藥奉母其疾尋愈

文煥然

按荊州府志文煥然安貧力學母病篤割股以療遂愈後仲子綸亦割股愈母時人稱爲世孝子家

張賢 周詒 馮天祐 張一奇 柳時逢

黃鼎 張楚 王家臣 楊鵬翼 李思

按荊州府志張賢等十人俱割股廬墓篤於孝義旌表

陳鑛

按荊州府志陳鑛父隆樂善好義將卒取大簾焚於庭皆負券也鑛性純孝母疾慮不起乃陳刀几上旦夜拜禱乃忽躍起自割左脅取肝方寸和粥進母以桑綿紉其創母疾遂愈及母歿哀毀骨立已殆無人形踰年而卒

張森

按荊州府志張森母目忽盲森以舌舐母目復明

鄧起宗

按荊州府志鄧起宗篤行孝道人稱長者

王泰

按荊州府志王泰業梓匠家貧性至孝每食自安澹泊必得甘旨以供又愛異母弟妹少有所積輒均與之

田璠

按荊州府志田璠江陵人性至孝甘貧讀書每遇忠

義祠廟必拱揖而退親病嘗割股以療之後母卒廬墓三年時苦旱禾稼盡稿獨有璠園中露降於蔬廬中蜘蛛等物一時盡白璠初遇異人嘉其孝謂十年後吾將遣徒持藥來救汝比期璠果死以風阻其徒遲三時至遂弗救乃出其藥化白金爲璠治後事焉

鄭揖

按荊州府志鄭揖江陵人五歲失母父爲諸生揖寢食起居與俱躬親服役繼母性嚴竭力承懽卒感化爲慈母父母歿廬墓年八十有八卒於墓側

范養純

按荊州府志范養純江陵庠生事親至孝父母微不懌必長跪號泣待色豫而後已內行修謹夫婦相敬如賓燕坐無畸容接人無少長咸以禮里中稱爲范夫子

張友周

按永州府志張友周字以文別號順川事親備極色養遇兄弟友愛弟嘗與伯兄爭財致訟友周捐已田數十畝以代兄償鄉人有負金貧不能償者友周悉焚其券又置義塚收瘞枯骨及貧人之無葬地者

羅鵬雲

按永州府志羅鵬雲祁之市民也家貧力作養母甘旨無闕母病劇鵬雲窘乏無計乃割股以進母其味與常饌異喜而食之病遂起鵬雲祕之鄰里察實具聞有司太守王景邑令陳蓋旌其門曰三吾孝子

劉平生

按永州府志劉平生東鄉大陽洞人事嫡母至孝其家被盜賊縱火行劫平生自外歸求母不得哀甚自

投於火以救得免後於爐中得母骨因誓必復此仇赴京具奏詞極懇切得請發兵盡勦之

徐時述

按永州府志徐時述字居明事親盡色養宗黨不舉火者嘗周之從弟某荒於飲博述不欲於衆中傷其意引至郊外寬譬深喻其弟卒改行鄉人方之陳太丘云

李顯卿

按郴州志李顯卿監生父母病篤願以身代卒時築室於墓三年有瑤草紫芝之祥稱廬墓先生

伍就湯

按永州府志伍就湯字鍾秀性至孝父學曾忽得渴疾好飲泉水每飲就湯必躬汲泉去家稍遠雖寒暑不倦如是者幾二十年一日大雨宅旁有石泉忽湧出味與井泉同人以誠孝所感

陳邦鈺

按永州府志陳邦鈺省祭陳思性子也思性謁選攜妻妾幼子同往卒於京師妻妾與邦鈺扶柩歸中流舟覆妻妾扳帆架得救邦鈺纔五歲與柩俱溺別舟拯邦鈺起柩猶浮沈鈺乃復赴水扳柩鏹而號泣衆共憐其幼復援柩登岸鈺年十四爲縣庠生五歲而知孝尤爲異也

黃大年

按永興縣志黃大年珙之子早失怙侍養母李氏甚孝比喪勺水不入口哀毀骨立獨居三年悲號不絕

按永興縣志曾用中號智庵選貢生事父及繼母以

孝無間言繼母生二弟躬親加意訓課有成博子衿以適母意授長壽令迎養父以道險憚行用中涕泣之任後月寄俸養無闕為令一載德政尤多壽人尸祝之崇祀鄉賢

黃潭

按永興縣志黃潭邑庠生事母孝母歿廬墓三年郡縣以孝聞於上例授儒官有德孝錄藏於家

馮鎬

按永興縣志馮鎬教讀馮家寅之子貧而嗜酒鎬既長為牙儈日得銀二三分供午膳畢以其餘奉父曰兒不能陳杯醕父以此易一醉可也父歿哀毀骨立家貧無以營葬悲號不欲生鄉黨稱孝焉潘邑令旌之

周淑

按道州志周淑字思孟生有至性叔祖母居孀無嗣撫為子淑備極孝養如事所生登鄉薦六上春官不第不以屢抑廢業不以力學廢定省本生父嘗病劇禱於神請以身代及易簣哀極神傷水漿不入口者三年丙辰成進士歸初不願仕進曰吾不忍以烏紗易萊綵也大母生母強之始起選得重慶司李嘗視巴縣篆釐剔夙弊吏無舞文糧無加耗一切餘羨悉貯公帑偶遭疾知不起潸然曰白雲親舍嗟何及矣授書一聯曰倚柳已舒鵬舉志報劉未展鳳冠思書罷伏枕而逝巴蜀父老曰周使君純孝垂歿不忘其親咸為感泣扶輦者如趨市

楊成章

按道州志楊成章營樂鄉人父泰任浙江長亭巡檢

妻何氏無子娶杭州丁氏生成章年四歲父卒於任丁氏畱其家何氏攜成章扶輦歸成章長為庠生母何氏臨沒以丁氏銀錢付之且告之故成章持喪服闋遠遊尋母不獲而歸後因州人李紹義任東陽典史得知丁氏所在復往求之乃得母人以為誠孝所感知州葉文浩以聞吏部侍郎唐龍上其事授國子學錄以旌其孝

熊魁

按道州志熊魁早歲喪父與兄裘同事母何氏孝養備至母嘗患危疾魁剜臂為劑以進母服之頓愈年八十二而卒魁廬於墓側哀號三年與裘寢侍靈几朝夕哀奠三年不入私室鄉邦稱孝焉

蕭華

按道州志蕭華進賢鄉人事母極孝母逝而廬墓者三年足不入私室時值兒女子染痘報之歸亦不入戶惟隔垣呼而問之即旋墓所止有一犬隨之卒之後知州以禮祭其墓額其門曰孝子蕭華之門

陳爾鼎

按彝陽州志陳爾鼎郡太學生事母劉氏以至孝聞母病篤鼎訴天割股調劑以進劉頓愈且強健異平日人以為純孝所感郡守俞公彥申請表曰節孝

楊弘

按彝陽州志楊弘早失怙事慈如嚴賦性豪爽母或以事責之輒婉顏跪受人皆嘉其順德學臣屢獎其孝行

侯章華

按公安縣志侯章華令丘之子令丘多女獨產章華

生而穎慧令丘隕首衡湘章華年方十齡俊秀多文藻恭順王撫愛甚篤欲養為子如同己出一日將肉一盤與之章華淚不食問其故答曰既殺吾父吾忍食殺父手中之肉哉恭順王知其志不可奪隨亦逐之莫知所終父忠子孝婦烈萃於一門

余三

按公安縣志余三以孝稱事闕紀載尚存碑勒至今相傳有孝子岡

王嘉善

按公安縣志王嘉善八歲割股療母疾里以孝稱年少遊庠學憲屢行旌獎

尚賦

按公安縣志尚賦母病割股食之

田垣

按公安縣志田垣字近微父寅山鄉飲賓九十六母夏氏偕老垣孝事兩親內外無間言因寅山老脫二齒禱於神齒復生人以為孝感以明經任河南嘉獲縣訓導旋里帶馬匹與龍交產麒麟獨角麟甲有光生而即能食金鐵聞於官一時異之

劉祥

按監利縣志劉祥司訓劉魁之二子甫四歲魁疾瀕危籲天祈代母龍氏割股進魁疾旋瘳父卒廬墓有虎夜入墓廬祥泣曰虎勿驚吾父言訖虎去後十六年母卒執喪廬墓如事父之禮事聞旌表曰孝子生員劉祥之門

譚孝子

按江陵縣志江陵北十里龍陂之西有譚孝子平日

奉親最謹卒以割股死有司聞於上旌其門

戴其仁 第其義 其禮

按松滋縣志戴時子長名其仁仲名其義季名其禮農家者流然家貧苦胼胝養親送奉體弱且竭力經營時具甘旨承顏順志朝夕靡懈復兄弟同居出入作苦怡怡之邑相對無間父年九十有七而長子仁七十有二仲子義七十季子禮六十有七父死之日遠近赴弔者千人蓋一時孝友所感云事聞旌廬

傳善燦

按石首縣志傳善燦字養冲生員端方有氣節性至孝有族人以影堂基產獻之豪右豪惑於圭臬欲奪之燦憤然曰吾祖舊地豈以勢宦所侵率長子丕長訟於庭操梃闢於市誓以身殉豪母年八十終時燦年已艾悲號不絕嘔血而卒殯於母墓之旁

范養淳

按荊州衛志范養淳家貧親老曲盡子職旌表

王珩

按興山縣志王珩王伏吉之子邑庠生事親克孝一遇親疾晝夜侍湯藥涕泣叩禱無不誠敬親沒三年未見齒旌之

龔大惠

按興山縣志龔大惠母馮氏病沒大惠哀毀骨立想形刻木行則擔之坐則供之一豆一羹肅容敬獻旌之

鄒宗孟

按遠安縣志鄒宗孟字養醇列庠事繼母以孝稱愛弱弟祖產多義讓學臣兩舉優行

廖說

按遠安縣志廖說字舉吾列庠昆弟三人事二親不委諸弟值亂父年九十隨侍未敢輕離

廖仲儒

按遠安縣志廖仲儒性犖厚家貧竭力養親母疾割股療之邑令旌其孝月給粟以助母養

張顯相

按長陽縣志張顯相貢生素以孝聞年六十其母八十餘一日偶命跪母寢至天明方覺乃令起邑人傳之

陳宗續

按石首縣志陳宗續號惺台幼失父事母魏氏至孝母卒廬墓三年無倦容學使獎之

徐昌

按石首縣志徐昌字仲閔父好禮夜夢閔子入室生昌因字之甲午舉于鄉清苦自矢父歿廬墓三年養母寢食出入如古禮每上公車跪泣累日母強之乃就道居母喪號泣幾絕葬後仍臥墓旁有古石夜作聲鏘鏘時人傳為孝樂主司奏聞特賜進士

徐桓五

按石首縣志徐桓五邑學生性孝友有田三十餘頃悉以分昆弟暨族之貧者知縣獎其門

郝世選

按石首縣志郝世選號雲野邑諸生性孝友兄柳塘沒時遺孤案歲末周蓄貲甚厚盡付選選子二家貧一絲一粟不私其子案長盡付之案艱於嗣令買妾者七其望兄昌後如此知縣聞之延鄉飲賓

鄧如虔

按石首縣志鄧如虔字西臯甘貧樂道性至孝友家居白坡坑會大水母觀在堂堤不潰者一髮虔鄧試聞信號哭奔家數日風雨不作急覓輕舟移之觀甫入舟狂風暴雨堤潰宅壑母觀獲全遇凶年合爨以保弟因連逃代輸以全兄邑稱孝友君子

柳應權

按零陵縣志柳應權字貞甫柳司馬弟宗一之後也警年補弟子員性孝友事繼母孝內外無間言繼母生弟繼權極其篤至其炊者數十年叔煖死子早卒遺孫幼孤撫養卵翼以底成立學博士以孝友舉優行生四子學惲學悌庠生孫十餘人

魯敬

按零陵縣志魯敬東隅人璉之祖也性仁孝端方幼失所怙竭力事母母病偕妻躬侍湯藥視以身代母歿廬墓三年居平惟教子業儒季子直以易經領鄉薦歷仕郡丞兩承封誥此皆孝之所致鄉邦稱重焉

陳濂

按零陵縣志陳濂字汝周號月巖自幼以孝聞十六歲補弟子員餽廩邑庠歲領糧銀悉以奉親父病劇禱于神矢以身代父卒躡踊痛悼不欲有生母卒猶喪父然兩以孝友見獎于學使者

樊佩

按零陵縣志樊佩字養和零庠生性孝友兄瑜艱於嗣且窘甚佩侍養不遺餘力後為餘干簿見兄弟有爭輒以己事兄諭之民感而息爭未幾退歸林泉

胡湘

按零陵縣志胡湘永衛人性至孝父病篤湘顧天求以身代父以愈及父母相繼卒湘哀踰禮廬墓側六年風雨不蔽朝夕負土加封焉有司旌其門

張守銘

按零陵縣志張守銘字伯敬鑑湖之長子也生而純孝事二親無違顏侍左右誠敬肅穆不衣冠不見也出入必告不告不敢離也好讀書嘗至丙夜弱冠遊泮爲文爾雅醇正嘗見賞於徐爾雅食餼於庠所得廩穀歸卽奉其親不以絲毫入於私室性復慷慨能周人之急親戚朋友臨之無厭色入棘闈者八不偶僅以貢終嘗師訓道州喜與諸生談文竟日不倦至於束脩費見未嘗出諸口歸而教其子延世奕世皆以髫年拾芹焉

陳蓋

按零陵縣志陳蓋字用中零庠生父元以明經領教職蓋年二十廩於郡庠母張氏隨父任卒於重慶學舍蓋扶柩歸哀毀幾不愛其生父還壽昌王傳卒於會城蓋奔之泣血哀號廬墓三年學使者旌其孝

高鈿

按零陵縣志高鈿號鼎恆乙卯舉於鄉公車屢上不偶乃謁選得華州守州號難治公至則懲猾吏祛積蠹興利除害愛民若子民奉之若慈母暮年而州大治是時總制以首薦及鈿念父年踰八十恐不能以朝夕待每對客言及輒涕泗流連居恆常自抑鬱遂稱病作陳情疏遍上當道始得以養親予歸鈿性孝友嚴重雖宦成必肅衣冠侍左右有弟五人友于惟均歸一年而父卒鈿亦以過哀毀立捐館舍華人

聞之爲之祀公於名宦祠子四人曰澍曰汲曰沅曰瀨爲諸生皆食餼於庠孫八人曾孫二十餘人

高鑑

按零陵縣志高鑑字榮垣零庠生鼎桓之弟也鑑爲人自幼醇謹嫡母陳年登九十有三而卒日侍藥餌衣不解帶者兩閱月兄弟六人友愛甚篤父歿分產不忍出諸口任仲季主之肥磽勿問也庭居教子惟以孝弟爲先嘗曰讀書而不孝弟讀書何益世亂隱居不問戶以外事蓋樂天知命者諸子稟稟奉訓不敢有踰焉長日治廩生丙子副榜次曰澣貢生任通山縣教次曰滋業儒孫曰柄曰樵曰樞曰楠

詹懋舉

按零陵縣志詹懋舉字泰宇至性孝友以選貢任鳳陽府倅有廉聲母年踰八表風燭可虞乞歸養懋舉齒亦古稀依依猶孺子慕甘旨溫清必身親問寢暇卽焚香誦經祈續母算母春秋九十有八矣無疾善終時人羨爲孝感云

傅明賢

按零陵縣志傅明賢字君錫別號起岩居東隅明初舉孝友以其祖亨應聘拜河南道監察御史孝子其裔也父名良臣母趙氏孝子幼業儒不售隱於市中色養唯謹粵兵圍城有遁去者孝子以母病不能行負母出而爲門者所禁如是者三知不可出乃以身殉誓在城中待母朝夕不離俟佛所脫母難戊子八月孝子冒險出城歸省其父才一日卽跪白其父入城事母舉家哭畱曰父有弟我可暫離設母亡何以見於地下其堵緩頰曰城且破曷少留以觀變曰城

破母死何以生爲其子操舟送之中途乃作絕命詞付之凡七章遂入城城中絕糧兵食居民殆盡其母聞鄰人之變不勝恐怖立斃孝子聞其母死一痛而絕母子正寢免湯鑊之厄殆天相之也

蔣應鸞

按零陵縣志蔣孝子者名應鸞施氏之子也父曰蔣師皇撫以爲子蔣氏代爲巫跳鬼悅神其世業也爲唐公廟祝因住廟中粵兵圍未城三月糧匱日殺居民爲食兵羣入廟中繫其父而將殺之孝子藏神後挺身出跪曰父老不堪請以身代釋其父而率孝子去竟殺之父得以存城潰父出每向人泣道之

吳宗伋

按零陵縣志吳宗伋字秋潭善屬文賦性敏捷早登庠序爲時所器性至孝母染異病竭力調治顧天密禱母疾愈及母歿哀毀過制朝夕悲號不已哭而繼之以血因瞽左目鄉邦稱孝焉工吟咏凡人物山川悉入品題著有髮說存於家嘗題四語以示人曰施與不求報不迫人於險積善無人知暗中作方便卽此數語人品可槩見矣今其子杰以歲選起家孫雲鵬恩貢生亦遺蔭之末艾云

龍德昇

按祈陽縣志龍德昇爲學吏奉母盡孝母馬氏甲子生迄重逢甲子之年忽遭疾危甚延醫莫效昇聞古人有割股救親者焚香祝天乃效之飾食以進頃刻母卽回生自此延二十一載壽至八十二而終昇戀慕倍於常情及母將葬昇亦隨卒如所擇期與母同穴豈昇之積誠有以使之然歟

管朝用

按祁陽縣志管朝用幼習儒業即喜讀孝經父早世遺母孱居事奉惟謹母善病輒經年朝用侍湯藥非手調不供非口嘗不進歷寒暑無倦容嗣以母故往禮參岳攜一甕半尺高行且以頭槌甕歸之日甕足磨滅欲盡母性懼雷春夏朝用輒裹足不出母沒卜宅於柏園取其左近也恆置雨具於臥側雖深夜風雨聞雷必驚走墓上以身伏之即極寒不爲止後年漸老而思彌未鑿石狀若葫蘆延道士設醮置石墓頂迄今墓木已拱而石如新

李嘗芬

按祁陽縣志李嘗芬字培醇祁庠生父藿字省菴有隱德樂爲善事母陳氏雅能佐助之芬其次子也父志四方芬舞勺卽奉母訓不好弄有黃香陸續風及補弟子員朋友講習聞古媵修擊行輒知好之楚俗有持齋誦經爲母禮懺者芬敬持者三載母病亟治湯藥祈以身代持母喪水漿不入口者屢日思親愴懷視王戎死孝且過之友人勸使節哀芬曰母亡吾何忍獨生幸吾兄賢孝能奉家嚴吾獲從母地下夫何恨哉竟以哀殞野史易三接以詩弔之云毀當不滅性何暇顧斯言行我哀哀志此身寧獨存號天雙淚湧尋母一魂奔想見孝思苦語溪聲尚吞

曾一貫

按祁陽縣志曾一貫字汝宗天性孝友篤志經術清冲履道起孝廉爲彭水令五載多善政巡撫薦之云冬日夏日並勤裔人漢人共戴惜卒於任一貫事親備極孝養父年七十手足痿痺至以手掬便溺無難

邑事繼母同於所生視長兄若父適兄蚤喪撫姪過於己子訓植之俱以青衿知名

文一元

按祁陽縣志文一元父韓祁庠生早喪母李氏堅苦撫一元長成性仁孝家甚貧以業巾供母一旦母病劇元割股以療母遂痊郡守采風嘉其篤孝身詣其廬爲立匾曰節孝之門令縣免其家母卒元力不克裏事賣所居宅以殯遂廬於墓三年邑令遺之以金學師捐米助之聞風者咸知勸

盧奇

按祁陽縣志盧奇字廷才器識朗拔弘濟敏悟登甲子賢書丁丑試南宮馮具區一見服其德量相友善會場試後得外艱報馳還守制中途始聞捷音庚辰廷試成進士授高安令歷官樞曹出守金華所在能聲籍甚高安金華並稱循良留去後思遷兩淮運使尋解組歸居官餘祿以分親黨奇性至孝養志無忤會父膝產弟廉母欲弗舉奇跪請別育許之多方拊摩以至成立爲延師授經弟遂餽於庠嗣浸昌大奇初聘涓江張氏及笄而贅女父請改盟奇弗許竟娶焉邑咸稱孝友先生守憲馮公爲建忠孝祠

申諫

按祁陽縣志申諫字良臺祁庠生孩提時見母陳氏立侍舅姑前久輟羣小机伺其後至孝其天性然也母孀居三十年就養如一日諫善飲友人邀飲或卜夜母必倚候兒歸乃息諫遂不飲友或強少進必以慈闈約杜口母偶嘔諫必恭慎探母意再三至回嘔作喜乃已母遇疾諫默坐房外終夜省其安否不令

母知膳飲必躬親恆跪進食適母睡寐良久諫不敢離膝至夜分母覺命之起然後起母歿廬墓三年作勤思堂於祖祠之側自爲銘曰見祖宗之面則當思其言行享祖宗之福則當思其垂訓大祖宗之家聲則當修其實行綿祖宗之世澤則當效其箕裘作輟豈有爲之子奮修爲克省之兒卽容止以想精神更諄諄而待教語念茲釋茲用昭來茲生五男與室膝和順勤訓生子光岳喬岳列邑庠泰岳岳岳入郡庠並有立兄蚤世遺孤甚幼諫爲治產倍於昔俟其年長完產貽之不私尺寸焉係鍾亦庠生

劉應圻

按攸縣劉應圻號鳳岡中嘉靖癸卯舉人品端行潔登科二十年窮約如寒士事母至孝事仲叔如父雖甚暑必衣冠危坐爲鄉人解重辟之冤一錢不受雖勺水之微亦必審義而後飲又筮仕舒城七月而卒百姓哀之

黃簡

按祁陽縣志黃簡字敬之父用中庠生也癸巳春避兵於竹山爲兵所執簡於山脊望見兵以兇器擬其父卽自嶺馳下至兵所請以身代衆兵釋父執簡竟爲兵所刺以死遺男四歲父爲命名曰達孝簡能生其父雖死猶生矣

袁剛

按寧遠縣志袁剛大陽鄉三都人兄弟四人友愛天植性不知書而大義昭然可述三弟貧不能自立皆均其利以相恤俟其成立娶婦而後出分諸弟皆感激妻楊氏克贊夫志略無纖微見於顏面人服其有

刑于之化

歐陽璇

按寧遠縣志歐陽璇仁澤鄉人至性友愛家無私蓄在延山寨巡檢時其弟挾其諸子均產每據其膏腴璇聞之徐示其諸子曰彼腴者無能致力矣爾能糞耘歲計所收自當過之與其弟相愛如初衆皆歎服

歐陽熹

按寧遠縣志歐陽熹縣庠生事母純孝年六十餘孺慕不衰母老多病熹宿榻右侍湯藥至溺穢必親滌之母卒泣血三年葬祭竭誠鄉人稱之

馮應主

按寧遠縣志馮應主大陽鄉人先娶妻王年四十而妻亡人勸再娶主曰恐不能善事我母反受不孝之名其母楊氏性剛愎每膳主必親造執盤跪奉候食罷方起朝夕如此自少至老無刻少懈母年八十四而卒廬墓六年孝聞於里知縣旌其廬曰孝義兩全巡按賞銀二十兩另立孝子坊凡上司經其地者累蒙給獎壽亦八十四而卒

趙應奎

按寧遠縣志趙應奎左所人舉人趙昂之子父喪守制泣慕教植二弟鄉人咸以孝弟稱之

郭蕙

按寧遠縣志郭蕙居城市幼孤自八九歲即知念母守志勤苦及長而有室猶爲母躬滌溺器家貧不能得甘旨或經商外歸母問此行所得何如蕙必歎聲應有恐煩掛慮也兄蘭早卒其孤甚幼嫂他適母撫孤泣蕙曰甘苦相同無勞重念孤長爲娶婦母喜曰

吾死無憾矣乃卒蕙以禮治喪躃踴哭泣皆出至情士大夫詠其事

歐陽寧

按寧遠縣志歐陽寧仁澤鄉人少喪父事母何氏晨昏將順無不得其歡心且兄弟怡怡雖一飯不忍違區區財利淡如也嫂性僻能不拂其意因字之如子而忘其爲叔繼娶王氏視前生猶己出人稱其家子道弟道妻道母道戚無愧焉

梁繼祖

按通道縣志梁繼祖割股療親旌匾猶存

黃俊郁

按會同縣志黃俊郁割股以療父疾割乳以啖母病築廬以守親塾院道屢賜旌匾

鄧世誥

按東安縣志鄧世誥生員割股療親學道以孝心格天四字旌之

陳邦鏡

按永明縣志陳邦鏡字克熙爲人誠懇盡孝弱冠時父蚤逝其母以過哀喪明百藥不效未覩天日數年嘗私誓曰母旨不拯何以生爲遂究岐黃之祕晝夜虔禱恨不即復其明妻周氏心知夫志亦以期開母瞽爲念朝夕煮藥無懈容未幾而母瞽頓開一時邑人稱爲雙孝今熊內翰亦以雙孝表其墓誌焉

蔣郁芳

按新田縣志蔣郁芳南鄉九都人事母至孝一日出外若聞人言云爾母失跌忙歸母果跌中瘋矣湯藥救水必親嘗始進如此者八年而母卽世哀毀欲絕

司馬張旌以匾額曰新民會閱

劉義

按新田縣志劉義湖北五都人幼失怙事母沈氏甚孝定省惟恭母死築室墓旁泣血三載後聞人言及父母卽淚下沾襟其終身切慕如此

朱志相

按沅州志朱志相城東廂人父顯病甚思野味志相割股爲羹飼之乃甦院道旌異

唐相

按沅州志唐相本衛百戶父璟早歿相奉母劉氏孝值母疾篤臥牀相待湯藥三月衣不解帶調攝十有餘年不忘母終歸葬之日風雨大作泣禱於天忽然晴霽又撫弟遺孤減半俸養之相年五十尚未舉子及母弟葬後連育五子咸謂孝友之報

韓宗道

按邵陽縣志韓宗道六齡失怙事母將至孝十齡母病足終日侍榻不離藥必先嘗以進母歿廬墓三年時稱孺慕入庠食廩舉孝優者二鄉飲者二當事以孝行純怡旌其門卒年七十八而其孫諸生韓正理事母亦以孝聞

馬三奇

按邵陽縣志馬三奇母病篤醫藥不效割股食之尋痊府縣詳道給冠帶以旌之

郭正榮

按新化縣志郭正榮珂溪人性至孝母曾氏年十八蚤寡榮心痛母孀苦屢言及輒流涕不能置每夕奉溫清必俟寢定母嘗病榮夜焚香禱祈以身代刑府

李署縣手書旌之匾曰純孝發祥

會魁士

按新化縣志會魁士在城南關人父逢辰邁疾三年侍藥衣不解帶後以寇警適母氏寄柩未葬魁號泣廬側不去直欲以身殉邑侯謝署事郡丞尹具文申詳當道屢匾旌獎

楊通德

按城步縣志楊通德家貧早孤爲人傭以事替母菽水承歡送終廬墓鄉里推崇邑令表其廬曰純孝給與粟帛

楊達

按城步縣志楊達早喪父依母性至孝友母爲擇婚謝曰人子不孝多起於婦人辭弗娶願婚其二弟家無恆產叔與之地畝以養母時訓蒙以助不給母來書館必送至家間或止之跪於館外度母至家乃與母疾篤割股煮糜以進疾乃甦母卒哀毀骨立廬墓三載知縣申詳旌以冠帶歲給穀十二石贍養終身士大夫爲作錫類孝思圖

謝燈

按城步縣志謝燈父早喪母孀居家貧借貸營度負債無措母欲再嫁以償之燈力留母嫁妻鄰人白其事於官邑令表其廬曰街民謝燈嫁妻留母孝行可嘉

張友全

按大冶縣志張友全茅潭里人性淳行潔兄蚤逝事嫂恭謹撫教諸姪如己子知府王鑾詩表之

陳滔

按新寧縣志陳滔性孝友母病甚先日禱告於天次割股調羹以進母尋愈事聞院道獎之

徐學孔

按新寧縣志徐學孔字希聖庠生立身端方存心無疚事繼母歐陽氏晨昏定省寒暑不輟知縣旌其門曰百行克敦

何張沛

按新寧縣志何張沛邑民何其旋之子孝敬兼隆廬父墓三年侍母疾衣不解帶知縣獎云有懷二人不減嬰兒之慕無慚一己宛同處女之貞

劉禹昌

按新寧縣志劉禹昌生員癸未二月內母氏鄒疾篤焚香祝天割股和藥代篆州同表其門曰孝行克敦獎語云焚香籲天誓以身代母壽割股療疾匕勺而起慈疴百行首敦儒林端品尋蒙部院薦舉授陽朔知縣歷任二年致仕回籍終

蔣可實

按新寧縣志蔣可實以母疾割左右股二次及母歿痛哭未已父隨疾復割腿絕半响乃甦恍有神助今削髮於蛟橋山菴二子養之不問家事

朱定炯

按武岡州志朱定炯岷宗室性純篤幼值母霍氏病劇延醫無效額天割股進食即愈

崔國楚

按龍陽縣志崔國楚業儒未就性至孝友父武病篤割左股食之立愈母許氏病復割右股鄉里舉於官請旌楚辭隱不出後父壽九十一母壽八十九終

雷照

按龍陽縣志雷照邑民少失怙事母孝廬墓三載逢生忌辰輒露宿偶山虎至照且號且拜退去年逾八旬里人稱爲孝老

蕭廷滿

按江夏縣志蕭廷滿金口人父早逝母周氏疾革額天割股療母疾尋再病其兄亦割股以進無驗及母葬廷滿絕不茹葷縣令造其廬賜之粟不受旌

游龍飛

按當陽縣志游龍飛邑人事母以孝聞人呼爲游孝子母有疾剔股奉之邑令匾旌其門曰純孝

王應鼎

按京山縣志王應鼎字君梅號理齋頌子性至孝甫十歲執母喪哀毀不異成人隨父任瀛蜀卒於官輓過潯陽風作公撫棺長慟波恬人以爲至孝所感與弟揮淚田宅互相推讓

柳煥宇

按荊門州志柳煥宇始而剝股救親既而廬墓公舉孝子遂旌獎

宋國丞

按荊門州志宋國丞事繼母葛氏備極承順值母病百藥調治無效因思曰昔人有割臂療親者病賴以瘳損傷何愛焉遂割股以進而母愈迄父母亡後髮雖皓皓而猶孺慕不忘郡人有傳贊

張振卿

按荊門州志張振卿本州生員謙和明理父母鍾愛其姪卿百計承順惟恐觸親之怒親沒以所遺盡讓

其姪以遂親志且教育二弟成名

陳論

按攸縣志陳論字思魯篤學力行事母至孝一時人咸師禮之

張臯生

按零陵縣志張臯生字杆一又名大武成吾之子也生而剛方言笑不苟事親最孝母賀氏年八十有九瘋疾十餘載臯生與同榻未嘗少離母歿葬祭盡禮不煩兩兄與昆弟處雍雍肅肅教養諸姪一如己子遇父母誕逝日輒嗚咽不食同郡桑日昇尤心服焉嘗曰杆翁孝友性成未可學也年八十七卒里中謚曰端毅先生

龔之吉

按澧州志龔之吉字鹿坡錚子性至孝母劉氏沒龔官署時日方昃終身遇夕陽當戶輒痛哭兄之安病瘍二載屢為吮穢及兄死德陽之難徒步數千里負骨以歸里人常稱曰東門龔氏忠孝節義

劉斗

按桃源縣志劉斗嘉靖間廩生事親至孝終身如一日葬父營石槨用牛營運石甚重難致每運必向牛拜牛亦感泣其異如此

張世芳 劉繼榮

按沔陽州志張世芳知州張柏子父病割股直指旌其門曰孝行劉繼榮沔陽衛人庠生母死廬墓以孝行旌表

馬孟遠

按沔陽州志馬孟遠字君毅有文名割股奉母以孝

稱甫貢而卒

羅應元

按華容縣志羅應元性淳謹力學篤行事父母以孝母譚氏患目經離亂必親負以出雖艱險備至而晨夕侍奉不敢少懈後避兵萬山中乏藥調劑常以舌吮其目得痊

孫斯億

按華容縣志孫斯億字兆儒七歲能賦詩年十四為諸生事祖母及母以孝聞居母憂有盜晝入護棺泣盜惻然避去

魏文昌

按華容縣志魏文昌事父母極孝父獲罪當死繫武昌獄文昌詣闕上疏願以身代報可臨刑語其弟曰謹事二親如吾生存時也遂伏法時年十有八歲

李廷華

按湘陰縣志李廷華繫客籍兄弟五人父心齋病篤獨焚香告天割股以進父嘆之而愈延年三載鄉約丁徠以事聞於縣表其閭曰孝友可風

萬龍躍

按湘陰縣志萬孝子莫定其為何名或曰龍躍或曰隆若以其音之似也不識字言行樸鄙為鄉人所狎幼喪父依母以長貧為人傭收其直以養母生理困甚復有事於負販暇取水母子之間照照如也母以天年終哀毀幾絕入山得佳木歸刻為母刀與淚俱下有不肖則淚益垂久之酷肖如假手梓人然者飲食必呼出入必告夏扇冬爐無異存時每逢母生忌辰蒲伏母前不知涕之所從出者凡古人美行一

經摹擬便當唾棄今龍躍於民為愚民於孝為愚孝不知丁蘭是何人不知刻木是何故事任臆而行無所蹈襲可謂不忍死其親矣

黃守德

按湘陰縣志黃守德為邑諸生經明行修儒之近于淳者也少失父母廬於墓側血淚所灑草木為枯葬祭從厚中人之產幾破其半督課諸弟嚴正中劑以寬和延致師友與為摩切俾抵於成而後已焉歲舉行優學師列狀以上旌典有加

楊祥

按醴陵縣志楊祥其先太平人避地醴陵因家焉祥事親盡孝親亡哀慟淚盡繼之以血廬墓終身有白芝白烏白兔之瑞事聞褒封至孝公植坊墓道以旌之

陳蔡生

按茶陵州志陳蔡生貢生陳其鼎之子賊寇嚴溪父被執索賞不獲將刃之蔡號泣入營請以身代給賊云歸我父可得重賂賊信而釋鼎及賂不至賊詰蔡蔡慨然曰吾為父死耳復何憾賊大怒竟支解之殺身以生其父可謂死孝者矣

李安仁

按善化縣志李安仁世居醴陵坡母四十忽雙瞽仁每焚香告天三年明漸復

李有斐

按善化縣志李有斐字非文少英敏好學不倦負文名更精書法屢科不第甲申賊寇屠戮斐挈家避山中被執身數鎗夜持痛負老母走不十里母渴取血

飲母復爲兵執乃被殺

欽定古今圖書集成理學彙編學行典

第二百二十一卷目錄

孝弟部名賢列傳四十三

明二十九



李希綱

丁有虞

陳此心

馬麟子秀齡

楊寧

許綱

賈雲岫

徐一中

楊謫仙

董茂春

曹汝珍

葉景和

張孝子

趙文宿

楊慶明

薛居敬

洪鈞

林興祖

馮麗東

彭萬昌

黃聚

高科

何接宗

陳球

楊沂

楊全

湯德新

陳其善

王守陽

呂健

楊弘

王世伯

胡亢

趙重華

王藩

林春茂

王大勳

王祿吉

楊應時

蔣崇德

投尚綱

朱惟顯

包世熙

張棟

楊懷玉

杜惟喬

朱荃

陳忠亮

蔣懋官

楊坤

胡郁然

徐光啓

謝宗陽

安如磐

常思賢

王崇道

陳此丹

投忠

姚之官

竺翔鳳

李驥

郭蕃

藍貴

徐瀚

包萬化

李九得

王以謙

王猷

吳潤

靳時芳

辛光前

瞿良彥

姚思敬

馮敬

姜思周

洪其仁

徐可繼

龔朝傑

劉芳

李儒

楊新民

曾輝

張必登

李必榮

趙應元

蘭如英

張顯明

曾沾

徐國奇

董守安

蘇成

王祿吉兄茂林

劉希周

趙思

楊承祖

吳承羔

高伏才

周演

楊培華

蘇定魁

楊時芳

楊春震

趙翰思

李淳

葛芝

李魁芳

趙邦俊

張真凝



段高選

趙銘

張法孔

張烜斗

張天麟

魏天命

趙廷宣

蘇一貫

張志連

許邦相

楊愷

李文林

陳素修

線補章

學行典第二百二十一卷

孝弟部名賢列傳四十二

明二十九

吳一變

按太原府志吳一變定襄庠生少喪母事父孝父卒水漿不入口者三日哭絕數次既殯穴居墓側三年日一食負土築墳哀苦骨立遠近賢之按院匾旌

胡玉琴

兄尚默

按太原府志胡玉琴與縣人父博先娶關氏生兄尚默繼娶甄氏生琴後甄疾默同琴親侍飲食及卒兄弟俱廬墓父卒琴復廬墓哭思成疾卒妻劉氏年少誓死撫孤稱節孝

程宗齊

按太原府志程宗齊陽曲人性孝友親疾求以身代及卒悲悼廢食

劉秉寬

按太原府志劉秉寬清源人事母稱孝因偶睡聽母呼驚出門屋梁折得免人謂孝感

閻邦偉

按太原府志閻邦偉壽陽庠生事繼母孝冠至負母入窰寇退移母出窰即傾人謂孝感

孟養氣

按太原府志孟養氣文水人事繼母孝母雖甚惡處之怡怡友愛諸弟庭無間言人稱真孝子

程書

按太原府志程書陽曲庠生父病供藥衣不解帶及卒哀毀骨立事母更孝鄉評重之舉表

郭安

按太原府志郭安與縣人任陝西衛經歷丁父母憂俱廬墓三年白鶴數繞其墓奏聞旌表

白孝古

按太原府志白孝古典縣人庠生性至孝父母卒各廬墓三年奏聞旌表

王貫

按太原府志王貫崞縣人幼喪父事母張氏至孝母終悲號幾死及葬廬墓側三年有白兔烏鴉馴繞人謂孝感

孫昂

按太原府志孫昂交城人性純孝父沒廬墓二年有事之蒲過黃河一老人日待別船與汝同渡昂遂止其衆渡者竟覆昂得免

常福

按太原府志常福交城人父卒朝夕依柩側不入私室悲泣骨立人服其孝事聞旌表

楊珍

按太原府志楊珍靜樂人事母至孝母疾躬侍湯藥十餘年無怠母卒哀毀骨立治喪盡禮

吳忠

按太原府志吳忠靜樂人孝事繼母時敵人寇家人驚走母老疾不能行忠負之去衆多被害忠母子俱免人以爲孝行所感

趙恆

按太原府志趙恆樂平人性至孝母卒鑿穴墓側朝夕哭奠妻孥罕見縉紳爲作孝行詩

劉漸

按太原府志劉漸清源庠生少孤事母竭力母疾哀禱仙方服之即愈人謂孝感按臺旌之

王朝冕

按太原府志王朝冕與縣庠生母疾禱神代死及卒隨柩廬墓三年朝夕哭奠有司賜米帛旌匾

慎銳

按太原府志慎銳晉靖安王長子幼好讀書敦孝道奉兩親承顏順志性若天成值母妃盧氏疾危銳呼天割股以進後又因盧病晨夜侍疾求以身代及母愈因過勞感疾卒

趙復性

按太原府志趙復性榆次人弱冠以孝聞父卒號泣不食數限絕及葬廬墓草衣糲食終喪不忍離族人毀其廬載歸後旌表

段廷用

按太原府志段廷用壽陽人性純孝母卒號泣骨立廬墓三年時荒饑盜賊充斥有過其墓者憐之不忍

驚所居瓜雙帶麥兩岐人咸異之以爲孝感

蔡苓

按太原府志蔡苓平定人事父孝父卒耐葬母塋開擴見棺號慟欲絕遂廬墓側塋舊多豺狼自是絕跡人以爲孝感

張倫

按潞安府志張倫庠生幼喪父奉母備極甘旨卒合葬結廬墓側日負土崇其墓旁無井穿井深不及泉乃焚香泣拜水湧出人以爲孝感奏聞旌其門後貢授東阿訓導

白聚良

按潞安府志白聚良潞州人朴實不知母歿廬墓六年始終無少懈

王俊

按潞安府志王俊潞州人質朴無偽親終廬於墓曠野無垣日夕悲泣負土築墳弔者至惟稽顙不語居三年盜賊虎狼無犯者里人欲舉其孝力止之曰人子自盡其心何以旌爲自是里人化之廬墓者有仇氏二孝感仇氏而接跡者有梓人張攢張提鄉民郭景榮車桐雖有旌未旌皆本於誠足以勵俗

仇朴

按潞安府志仇朴仇欄長治人兄弟也給事中敏之後事繼母如所生欄讀書執禮母疾朝夕侍奉卒廬墓三年旌曰二孝

仇勳

按潞安府志仇勳朴欄姪也父樛病癱吐瀉不離牀褥勳每手潔其穢居喪三年不入私室旌爲孝子

王子順

按潞安府志王子順府學廩生孝思天植父年九十母年八十四承顏將順老景怡怡及母歿時值嚴冬四日飲水七日跣足晝夜不解衣哀毀慘切茹素終喪當道聞之欲申請旌表力辭匾曰孝子後以貢歷官教授

原富

按潞安府志原富長治人父志學年八十二貧甚備以養父疾危篤思食肉力不能致乃割臂前肉一爨烹以進父食之曰奚自甚美富曰乞諸鄰食請再乞疾立愈且健富刃傷不浹旬亦平楊廉訪命有司表其閭以庖廩給之

李文志

按潞安府志李文志長治人母老癯疾夜思肉食甚急文志引刀割臂以進母食之疾愈縣旌其門

崔仲和

按潞安府志崔仲和襄垣人性孝能順親心母疾思飲河水大旱水絕流和露禱河流復通取以供母疾遂愈聞者驚嘆仲和後仕鄂縣尹入鄉賢

馬鎰

按潞安府志馬鎰路城人官至陵山衛教授事母孝色養兼修母嘗失明晝夜顧天母目復明

孫田

按潞安府志孫田平順人孫滔義子也滔疾篤思肉無所得田割股以進滔食之疾遂愈有司旌之

張鳳翽

按潞安府志張鳳翽祿豐人事嫡母割股吮疽經兵

亂冒刃以救父難事聞給冠帶旌表其門

蕭芳

按雲南通志蕭芳字從周保山人國子生事親孝母卒廬墓三年朝夕哭奠父繼卒復廬墓三年

陳咸厚

按雲南通志陳咸厚昆明人從父官京師父卒哀毀骨立先達謂減性非禮乃強進粥扶觀還里遇風雨泥淖號泣而行濡足泥中未嘗少避至龍里遭安賊之變賊擁至焚其柩厚兩手抱棺抵賊聲色哀厲賊以戈擊之死於柩側黔中侯侍御以其事聞

楊起雷

按雲南通志楊起雷太和人其父有疾凡出入坐臥起居捧扶者四十年及卒哀毀骨立事兄起雲亦以友愛稱

周良卿

按雲南通志周良卿右衛人父母皆年踰六十生四子長爲千戶早逝三子意欲均養良卿泣曰兄亡姪孤二弟涼薄奉養不繼誰之罪也乃躬任甘旨不衰母病湯藥親嘗迨殯事之如存

戴天資

按雲南通志戴天資河西人母林目瞽跪而舐之雙目復明

楊世麒

按雲南通志楊世麒字明徵右衛人補弟子員事母最孝母卒哀毀欲絕竟喪明後當貢期竟不能赴

張浩

按雲南通志張浩南寧人家貧盡孝父卒鬻子治棺

喪葬以禮不御葷酒三年每言及父母輒泣下院道給冠帶旌之舉鄉飲賓

郭尚賢

按雲南通志郭尚賢郡人事親孝父卒廬墓足不入室口不茹甘後廬母墓遇虎不傷有司旌其門

楊世春

按雲南通志楊世春阿迷人事母孝母死廬墓三年鄉人稱爲楊孝子王廷表以文贈之

趙宸

按雲南通志趙宸郡人父卒廬墓虎聲咆哮乃喟然曰天不欲孝乎虎拽尾去一夕賊入顧視無所有惟氈蓑孟著在其側賊嘆息而逸

李秀白

按雲南通志李秀白大姚廩生性謙抑與物無忤早喪父孤貧力學事母張氏至孝及母遭疾將革治療無功白焚香祝天願以身代母幾絕復甦後一載無疾而逝白哀毀骨立及葬廬墓三年侍御陳學夔以篤孝表其門

張秉衡

按雲南通志張秉衡師宗人郡庠生母病目盲數年矣秉衡乞以身代一日忽明士民舉其孝行歷有旌獎

張覺

按雲南通志張覺寧州人幼失父事孀母趙至孝節儉謙恭多隱德偶染異證夢神救曰有趙某者孝子第一汝居第二遂瘞鄉黨舉揚上其事於禮部旌表孝子

李希綱

按雲南通志李希綱郡人父久病侍醫藥寢不解帶者九年後以貢爲姚安訓導俸祿所入與兄共之周恤親里各盡其義所著有四禮註一卷

丁有虞

按雲南通志丁有虞永平貢生友恭誠孝事繼母情禮備至兩臺旌曰孝行可風後仕終知縣

楊寧

按雲南通志楊寧太和人父母繼歿廬墓哀毀採風使題開旌宅

許綱

按雲南通志許綱通海人家貧負薪養親一日夫婦往田其母目瞽攜幼孫忽墜井中夫婦歸家寬慰其母竟不悲慟孝養有加

楊謫仙

按雲南通志楊謫仙寧之孫事母盡孝時稱楊氏二孝子奏允旌表

董茂春

按雲南通志董茂春字良卿仕通海學諭父死於賊哀慟幾絕事母至孝飲食寒煖未嘗一日離母疾輒顧天願以身代當時有一門忠孝千載姓名之句其子思平爲郡甸縣主簿

張孝子

按雲南通志張孝子太和人失其名性至孝傭工養母母歿哀慕如狂既殯猶晝夜號於路如此數年死而後已

趙文宿

按雲南通志趙文宿阿迷人性至孝救水承歡勸賜天下孝子第一

洪鈞

按雲南通志洪鈞太和人爲諸生性孝友母歿廬墓三年廬側有澗水盈涸不常鈞居三年澗水不涸人以爲孝感所致

林與祖

按雲南通志林與祖字嗣宗騰衝人少孤母性嚴事之得其歡心母微慍曲求慰解侍親四十餘年如一日母疾檢方書云用虎睛調藥乃愈祖竭誠額天適北城得一虎往購其睛合藥母病果瘳人以爲孝感所致

黃聚

按雲南通志黃聚雲南縣人事親至孝親喪廬墓三年道府給銀米旌之

高科

按雲南通志高科府庠生父淮久疾科躬侍湯藥不懈父卒哀毀特甚事母阮氏能盡禮又殯葬其嫂之無依者二人與弟同居三十年無間言知府周贊以孝友表其門

楊沂

按雲南通志楊沂太和人父母歿廬墓三年以田業之半讓諸兄遂老於山中至死不愛

楊全

按雲南通志楊全劍川人父繼宗爲土官夏海眞所殺全方在襁褓及長知父冤死伴拜海眞夫婦爲父母一日治酒邀眞俟飲酣殺之未果乃潛入麗江遁